

定用津縣志

22.6213
3035.073
2



Kodak Color Control Patches

centimetres
1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32

0 10 20 30 40 50 60 70 80 90 100 110 120 130 140 150 160 170

古蹟 坊表附

漢書地理志凡古蹟多列於郡縣名下所以於人往
風微之後而寓其監觀興廢之思也大抵聖賢之遺
蹟人皆願爭而有之雖附會亦信為真焉若姦邪之
遺蹟則人恆毀滅而絕之雖本鄉亦羞弗齒焉此亦
足為勸懲之助矣豈但撫棠思芟因釣為臺也哉志

古蹟 舊志載有蓮花池今查其地已撥入吳橋故刪之

古鬲國地

應劭曰鬲偃姓皋陶後羅泌國名紀夏世侯伯有鬲
氏以近鬲津名其故鬲城在今德平若兩漢鬲縣

4234796



0014626

則在德州隋鬲津縣則在樂陵而甯津之臨津亦
因臨鬲津也然國名紀只言夏世侯伯未及於商
按辭尚功鐘鼎款識商器中有鬲罍其文作𠄎又
有鬲父已尊其文作𠄎亦商器或疑爲作器者之
名豈知其爲鬲國之顛鬲侯父已之尊也甯津與
德州德平樂陵皆接壤爲鄰可知爲古鬲國地其
後至周爲鬲氏長源曰南宮中鼎有鬲人引說文
作福𠄎今說文無福字積古齋款識又有鬲攸从鼎皆其
苗裔也

齊無棣邑界

水經淇水篇清河又東北過南皮縣西酈注又東北
無棣溝出焉東逕南皮縣故城南又東逕樂亭北
地理志之臨樂故城也王莽更名樂亭晉書地道
志太康地記樂陵國有新樂縣卽此城矣又云春
秋僖公四年齊楚之盟管仲曰昔召康公賜命先
君太公履北至於無棣蓋四履之所也又無棣溝
分爲二瀆其枝瀆南逕樂陵郡西以上水經酈注
言臨樂樂亭新樂先後同城至明且晰而無棣溝
流經境內卽無棣枝瀆亦經樂陵之西夫樂陵之
西卽甯津也可知無棣正瀆自西而東經甯津北

境而無棣枝瀆又分支南下經甯津東境則甯津
在周時為齊無棣界地鑿然信矣若無棣故城則
在今慶雲縣東微南五里乃隋就古基而置者與
海豐無棣故城為宋所置者別

臨樂故城

樂亭故城

新樂故城

按史記趙世家臨樂註正義引括地志曰臨鄉故
城在幽州同安此大誤也明是臨樂豈得以臨鄉
當之且即以臨鄉論亦在幽州固安又豈容訛作
同安則誤而又誤也大清一統志曰臨鄉故城
在固安縣南五十七里是已豈得誣作
臨樂哉因史註誤故不能不先辯明

舊志曰此為隋隄俗名耿家圈在縣北三十里

按甯邑自周末趙孝成王以臨樂與燕至漢高帝置
渤海郡遂以臨樂縣屬之武帝元朔初封劉光為
臨樂侯五傳至王莽篡位絕莽改臨樂為樂亭水
經酈注臨樂更名樂亭王莽時改也及光武帝更
置州縣而臨樂遂省建安中曹操克南皮復置臨
樂縣又改名新樂縣屬樂陵名雖屢易地則未移
歷晉及北魏孝昌中復置重平縣屬安德而新樂
又裁省至東魏於縣西境胡蘇亭置胡蘇縣並益
以新樂地屬渤海乃至高齊而胡蘇重平併廢未

幾隋興復置胡蘇縣仍兼有臨樂地及重平北境
自唐以後雖小有分割而大局已定矣若其故城
則臨樂樂亭新樂先後一也一統志曰臨樂故城
在甯津縣北爲漢侯國又水經注無棣溝自南皮
縣又東逕樂亭北卽臨樂故城也又晉太康地志
樂陵國有新樂縣寰宇記曰今臨津縣界卽其地
故李兆洛地理今釋亦注云在今河間府甯津縣
北竊觀甯津北境有七星臺鳳凰臺遺址此固非
有國者不能當而耿家圈正在縣北三十里實漢
臨樂故城也舊志稱爲隋隄相傳煬帝曾駐蹕於

此令軍士築隄如垣有耿姓守道守義者進膳帝
嘉之因以所築隄賜名耿村云方輿紀要及通志
亦采其說然漢書建侯正而有據隋隄之說類出
俗傳或者隋因漢城舊基而加築耳如唐張柬之
爲襄州刺史漢水齧城因壘爲隄此之因城爲隄
亦正其例第觀其周垣匝約十五里猶具城形
星臺偏左鳳臺峙右龍潭列前藩封規制昭然可
思也

胡蘇亭址

胡蘇故城

臨津故城

舊志保安鎮本宋臨津地金改保安鎮置土城在縣西南二十五里卽今包頭店

按舊志所云殊欠分曉保安鎮者本秦漢胡蘇亭址東魏天平中於此置胡蘇縣北齊廢隋開皇十六年復置胡蘇縣唐天寶元年改名臨津宋熙甯六年以臨津省入南皮名其地爲保安鎮及宋南渡金復置臨津縣天會六年城圯於水乃東遷今治改名甯津縣其保安鎮卽今縣西二十五里之保店也 大清一統志 畿輔通志歷代地理今釋

並同而時俗耳食者每以縣北與南皮界之臨津店指爲臨津故縣實爲謬妄失察豈知胡蘇亭胡蘇縣臨津縣保安鎮名目雖殊時代雖異實祇一處並無分區史籍具陳可覆按也若臨津店者乃縣境邊鄙村店與鄰封分界之名猶景州東界有吳橋口也而遂謂其城卽在是可乎

重平北境

按高帝五年置渤海郡屬縣二十六其三曰東光以胡蘇亭屬之十六曰臨樂十八曰重平此乃同時所置者胡蘇爲甯津西境臨樂爲甯津東北境重

平爲甯津南境也而甯津三分割據之勢卽於是定重平者今山東德平與直隸甯津兩縣中分之古邑也其故城在今德平縣西北三十里重平鎮俗呼曰重興乃德平邊界再北不遠卽甯津地是甯津南鄉諸村與德平界者皆古重平地蓋德平分重平之南半甯津分重平之北半也

永州城

舊志在縣東四十里卽今楊盤鎮

按明一統志 畿輔通志皆以永州城爲隋末置而

舊志竟闕書今據隋書大業十一年詔村鴨皆築

城十三年竇建德圍河間十四年而煬帝崩計此三四年間盜賊縱橫兵車蹂躪甯津實居齊趙之交故於此添設永州聊以固圉而時勢倉黃未及歲功已遭鼎革半途而廢是以隋志亦無永州之名再按金史地志樂陵有東中永利三鎮不久亦廢其東永利中永利二鎮皆在樂陵而永利一鎮則實因永州之舊也

安水廢郡

舊志郡曰安水相傳夏禹治水至此入海故名

按舊志所云私臆無當並不考厥由來徵其朝代今

據唐書高祖武德六年以胡蘇縣自觀州改屬滄州且移滄州治焉此甯津爲郡之實蹟也而自魏以降滄恆治於浮水饒安故此徙於胡蘇改名安水但經時不久至貞觀元年已復還治清池展轉五年有如僑治是以唐書地志祇云滄州徙治胡蘇而未載安水之名然而甯津碑記則時有所述如李世和神道碑乃至元七年所立者其銘文有云安水北原鬱彼佳城是元時猶稱甯津爲安水蓋李墓在今甯津縣北里仁鄉也况歷朝地志亦實有遺漏卽如後魏改渤海郡爲滄水郡而滄水之名亦地志所未列何怪安水

長官舊治

今猶稱爲長官在縣東北四十里

按元史百官志至元二十一年於河間滄州等處置長官司秩正五品領戶五百四十有八達魯花赤長官副長官各一員又有管領河間等處軍民長官司秩正七品掌軍民二百有二戶亦設達魯花赤長官副長官各一員今甯津縣北之長官卽當日長官駐劄遺址也猶有朝陽門在南街東西廳在北街之西偏皆已傾圮

空城

舊志城在縣東四十里週圍五里相傳光武屯兵於此築城未成莽兵追及棄去空無人居故名

按舊志所云一統志畿輔通志亦存其說惟無莽兵追及棄去語今據光武帝本紀更始元年六月光武昆陽大捷九月誅王莽傳首詣宛十月光武持節北渡河鎮慰州郡部縣是光武至河北在莽死後乃云莽兵追及耶蓋至更始二年夏斬王郎後始定涿郡中山鉅鹿河間二十二縣也統志通志雖刪去莽兵追及語然云相傳光武所築自漢迄

今無人居住其說亦究涉疑怪竊意此乃臨樂侯所築別囿耳侯凡五傳至王莽亂而國絕此蓋第五世廣都之所築也經始甫營旋遭變革侯且廢除城於何有而此時則正值莽廢漢諸侯王爲民故莽兵追及棄去乃臨樂侯廣都而以爲光武誤矣此則其時其地其人其事舉相似又適相值也又按採訪冊以此爲光武避王郎時所築則尤無稽據光武本紀更始二年正月光武以王郎新盛

乃北徇薊

漢薊縣治在今大興縣西南

而薊亦亂遂至饒陽官

吏皆乏食乃渡滹沱

今深州滹沱河上有麥飯亭饒陽有蕪蕪亭皆光武當時

遺跡至下博今深州赴信都今冀州擊堂陽今新河貫縣今東

鹿降鉅鹿轉而北拔盧奴今定州及真定元氏皆下

之四月圍邯鄲連戰破之誅王郎據此知光武之

平王郎乃自燕薊南趨至饒陽由深州冀州束鹿

鉅鹿復北取定州又西南下真定元氏至邯鄲遂

誅之並未言入河間地其誣妄可知

舊志又載有鬼城云距空城半里許今求其處渺

無遺跡詢之土人始知並非真有城也乃於半夜

月明曉日將出往往見有城闔雉堞如畫然頃刻

間已不復覩故疑為鬼耳按唐書西域傳拂菻西

海有鬼市謂貿易不相見也若東坡所見之海市

則與此類矣郎瑛七修類稿曰陝西郊野日起煙

霧漸有人物旗幟車騎之形又淞江春霧時亦忽

有樹木樓臺之變現又廣西象州山中雨後徧有

象狀斯皆精氣之鬱結於地者歟於晨夜將分之

際薰蒸以呈其象也見於山曰山市見於海曰海

市見於平原曰地市其理至庸極不足怪

何建砦

俗稱何家砦通志輿圖作何建砦在縣西迤北三十

五里

按舊五代史晉書何建傳天福中授旄鉞數年之間
歷涇鄧貝澶孟五鎮節度使今甯津西北境內有
何建砦蓋其爲貝州節度使所置也考五代時貝
州卽今清河縣治距甯津約二百里許自天福元
年已割瀛漠等州以賂契丹而貝州固猶屬晉彼
時甯津縣境當屬瀛貝兩州分界之區故得立砦
分防而契丹直呼之爲何建砦至今不改也

安州寨

舊志在縣西北十八里前後二處相傳以爲前代屯
兵之所

按安州之名肇於唐沿於五代然皆在今湖北德安
府安陸縣治而舊府志乃以此安州寨爲五代初
屯兵處不亦遠乎卽職方考所云梁置宣威軍後
唐改置安遠軍皆湖北安州也至金始於中都路
置安州元亦於保定路置安州則卽今直隸保定
安州矣由此論之甯津之安州寨其非元卽明可
知元明地志安州皆領兩縣曰新安元志作葛城高陽
其地居保定東南隅原與河間接界而甯津更居
畿輔東南隅且與山東接界故前代兵防每分撥
而屯聚於此

青積務

舊志在縣東北四十里

實在正東

按元史地理志河間路錄事司縣六曰河間肅甯齊東甯津臨邑青城註曰青城本青平鎮太宗七年析臨邑甯津地置縣隸濟南中統置青城縣隸陵州至元二年隸河間是青城實自甯津分出故今甯津東北猶有青積務言此乃青城屯積之處也其曰務者乃自宋元以來官民通商地名也如宋史神宗紀置市易務高宗紀置錢引務食貨志有交子務兵志又立造船務此青積務猶之云爾

灰窩

舊志在縣西南三十里

按周禮地官掌蜃共白盛之蜃鄭康成註盛猶成也謂飾牆使白之蜃也今東萊用蛤謂之又灰竊惟又灰之稱今俗猶習言之蓋河間諸屬無山石灰殊不易致而近於東萊故又灰爲便五雜俎曰蠣殼堪燒灰殊勝石灰也甯津灰窩當是前明諸王修治宮室苑囿所立者若石灰亦卽周禮秋官壺涿氏掌除水蟲以焚石投之

相衙鎮

舊志作象牙在縣西十八里

按古制封建諸王必立相以爲輔如漢碑有魯相史晨魯相韓勅又如張衡爲河間王相董仲舒爲江都王相其定例也豈甯津四王獨無相乎既有相則所居必有衙蓋自唐以來凡官府所治皆曰衙此亦其相所居之衙耳故卽名其地曰相衙或簡稱之曰衙裏若作象牙成何古蹟無惑杜拾遺作杜十姨也

王馬店

舊志在縣西三十里或名忘馬店土人相傳古人牧

馬於此遇亂忘馬而去故名

按周禮夏官校人掌王馬之政天子十有二閑馬六種若邦國則六閑馬四種左傳昭公二十七年沈尹戌帥都君子與王馬之屬以濟師此王馬之明見於經傳者如王馬店亦前明諸王養馬之處而今廢爲村店耳舊志所云無謂何不顧名思義

中伍店

舊志作中安鎮云見金史卽今中五店在縣東北二十五里

按唐李靖對太宗曰左氏云先偏後伍司馬法五人

為伍尉繚子有束伍漢制有尺籍伍符諸家兵法
 惟伍法為要此中伍蓋亦部分隊伍屬在中行者
 也縣境有營伍莊皆前代屯兵之處而舊志作中
 安鎮云見金史今查金志於甯津立三鎮曰西保
 安曰廣平曰會津並無中安之名即統十九路四
 百八十八鎮亦無中安也不知舊志何據疑出野
 老傳聞特辨存核

棗寨

舊志在縣東南十八里

按河北築寨見五代史王彥章傳晉已盡有河北築

河南北為兩城號夾寨是也然未言木寨據遼史
 兵志漢人鄉兵隨軍專伐園林填道路御寨及諸
 營壘惟用桑柘梨栗此之伐棗為寨亦取其多刺
 而軫結又土產所宜爾至於寨之名稱則與砦柴
 原相通也

今據采訪冊棗寨前後兩處週圍棗樹成林村外
 經人掘出地窰甚多皆相距七八尺又大磚井數
 處又錢數串多開元通寶及皇宋元豐熙甯等字
 又聞某宅後有護城壕猶略存形蹟村之東有李
 帥莊馬道子莊馬厰莊其為
 當日屯兵之處隱然可想

孛羅寨

舊志失載 在縣西迤南三十里

按元史孛羅帖木兒傳文宗至正二十一年九月命孛羅帖木耳於保定以東河間以南屯田今縣西南有孛羅寨卽孛羅帖木兒當時屯田之遺址也七間廳

舊志在縣北二十里卽李世和所居衙也遺址猶存按府志李世和上京人至元初爲甯津縣令講求民瘼矜貸困窮得戶三萬餘擢諸路新軍總管此七間廳並非正衙乃出舍於郊之別廨故止七間而已足也

七星臺

舊志在縣北十八里

按星臺之設原以占象緯觀雲物太史所職非有國者不能備也如晉書職官志云諸王國以內史掌太守之任然必建國始稱內史未爲藩封仍稱太守故必有爲內史之人乃可以察璣衡之政甯津之有星臺其起於前明藩王可知自成化九年始封至萬曆三年國絕共傳四王凡一百有三年具載明史諸王世表若以七星名臺則史記天官書北斗七星夜半建者衡衡殷中州河濟之間平旦建者魁魁海岱以東北也今甯津正在濟之北河

之間又在泰岱之北則以七星名臺固宜
鳳凰臺

舊志在縣西北二十五里相傳有術士白馬劉者過
而指之曰此鳳凰臺也故名

按舊志所述類出齊東可無置議夫甯邑原西漢臨
樂侯國考漢書昭帝至元三年十月鳳凰集東海
故於七年改元天鳳宣帝本始元年五月鳳凰集
千乘地節二年四月鳳凰集魯郡元康元年三月
鳳凰集泰山神爵二年正月鳳凰集京師四年十
月鳳凰集杜陵十二月鳳凰集上林明年改元五

鳳元年甘露三年二月鳳凰集新蔡似此亦不必

覲縷宣帝屢降詔書侈陳符瑞大赦天下而皆正

當臨樂建國之時夫屬在宗藩朝有嘉祥所宜宣

示故築臺以爲儀焉

或以城北張小齋莊城東
南老鴉林當之無徵不信

釣魚臺

舊志在縣北十五里

按釣魚臺在處多有就其近者言之如南皮吳橋及
靜海皆有且皆以太公爲由夫太公窮困居北海
之濱賣飯賣漿間猶釣魚豈有餘力築臺固曰後
人所爲又烏知其卽在此臺所釣魚耶此皆攀附

高名燧點風景以寓仰止之思云爾然此釣魚臺則亦有見以其在城北與鴛鴦坡不遠當為前明諸王園沼之遺也今據采訪云臺在縣北馬家莊北猶高四五尺許週圍約十餘丈每大雨水環四面而臺不沒

峯臺

舊志在縣北三十里

按唐六典曰烽侯所置大率相去三十里衛公兵法謂之烽臺云於高山置之無山即置於平地築羊馬牆高下任便臺高五丈闊一丈據此知烽之

稱臺肇於唐也後人以烽火為兵兆每諱言之故常取其同音之字而改書之甯邑峯臺實烽臺之改寫者也如獻縣之封臺吳橋之風臺青縣之豐臺亦烽臺之改書者也後人乃就其所改之字而附會之至不得其解蓋天下之承平久矣

倉上

舊志在縣西北十四里基址猶存

按食貨志漢宣帝時大司農耿壽昌上計令郡國皆築常平倉以利民代有興廢至金世宗大定十四年復定制詔中外行之亦因循未果及章宗明昌

初屢降詔敕始設常平倉凡諸路總五百十九處
此倉在城西北十餘里乃金所舊置者若明倉則
在東門裏西關外矣

大柳店康王祠

舊志宋高宗質於金後還中途馬斃適野有馬乘之
至店北馬渴不可制入灣飲水頃之遂成泥矣迄
今相傳云泥馬送康王

按此條應入祠廟以舊志掇拾盲辭列入古蹟故不
能不據正辯駁王偁東都事略欽宗本紀云靖康
元年十一月乙亥命康王再使幹离不軍王雲副

之庚辰康王至相州壬午次磁州磁人殺王雲康
王回相州是康王使金止到磁州也又樓鑰中興
顯應觀記真君崔姓廟在磁州河朔人奉之五百
年矣靖康中高宗由康邸再使金磁去金營不百
里既去謁祠下神馬擁輿盼鬻炳然州人知神之
意勸帝還轅可見康王白金復還神馬擁護皆在
磁州卽神亦唐之崔府君也王樓二公立乎宋之
本朝見聞必確再稽宋史高宗本紀亦自磁州卽
往大名至東平濟州而南去無緣至瀛東也甯津
康王祠如以思見堯者于牆敬文王者跪楷例之

為不忘舊君則可泥馬之說荒謬無徵

臨津店

舊志在縣西北三十里入南皮縣界

按宋熙甯六年因行青苗新法曾以臨津省入南皮此臨津店乃縣境北鄙與南皮分轄之區猶今立界牌也及宋南渡金復置臨津縣屬景州時靖康二年也蓋縣境中入於南皮者五十四年至金天會六年戊申臨津城即胡蘇城今縣西保店圮於水始東遷今治改名甯津此皆載在史籍原可無述而昧者乃每以此臨津店為即臨津城斯則宜正其謬

誤者耳

土臺

舊志在縣東四十里空城內通志作古城內

鴛鴦坡

舊志在縣北八里今迷失其處大約前明諸王圍沼之遺也

坊表附

百壽坊 在相衙鎮為歲貢生宋賓王之妻尚氏立

節孝坊 一在魏家庵為魏執中_中之妻郭氏立 一在

蔣莊為王開泰之妻趙氏立 一在相衙鎮為宋蘭

韻之妻范氏立今圮 一在長灣店北街為周廷俊之妻劉氏立今圮

貞節坊 一在大柳鎮東街為榮荷之妻李氏立 一在大祁莊為文生祁朝垣之室女立

甯津縣志卷二

光緒二十六年重修

輿地志下

村莊 市集廟會附

昔遂人以土地之圖經畫其野乃以五家為鄰五鄰為里四里為鄼五鄼為鄙皆有地域溝樹以稽其人
民故比閭族黨輔車相依此實後世聯莊所法也舊志記里甲凡五曰固甯六里庶富七里遷善六里里仁五里坊市一里共載七十九莊所遺者奚啻十倍
今特以縣城為主而以四鄉七十二牌甲為分支所有八百餘莊悉註明其距城之里數庶可視如掌上

螺紋乎志村莊

固甯鄉六里計村莊壹百五十有五 內有廢村三

固鄉第一里 計村莊三十有二

宏智劉莊 距城二十五里 范莊 距城二十五里

小高莊 距城二十五里 前姜莊 距城二十六里

後姜莊 距城二十六里 李陽莊 距城二十六里

小李莊 距城二十六里 段家集 距城二十六里

蒲劉莊 距城二十八里 杜家集 距城三十里

紅廟 距城三十里 牛莊 距城三十里

劉家集 距城三十二里 崔莊 距城三十二里

張端莊 距城三十五里 孟銀莊 距城三十五里

常家窪 距城三十五里 姚莊 距城三十五里

謝莊 距城三十五里 王家紙房 距城三十五里

大蘇莊 距城三十五里 小蘇莊 距城三十五里

棗李莊 距城三十五里 仝莊 距城三十五里

馬莊 距城三十六里 高莊 距城三十六里

大郭莊 距城三十六里 小郭莊 距城三十六里

前楊寶莊 距城三十六里 後楊寶莊 距城三十六里

前陳家紙房 距城四十里 後陳家紙房 距城四十里

固鄉第二里 計村莊三十有二

王銀匠莊 距城六里

劉言莊 距城六里

魏莊 距城六里

前菓子園 距城八里

八里莊 距城八里

後菓子園 距城八里

蘇莊 距城八里

樂莊 距城八里

前王莊 距城八里

王表寰莊 距城八里

李莊 距城十里

雷莊 距城十一里

神牌莊 距城十一里

李皇親莊 距城十一里

太平店 距城十二里

時莊 距城十二里

夏莊 距城十二里

馬跑孫莊 距城十二里

趙莊 距城十四里

戴家廟 距城十四里

馬莊 距城十五里

范莊 距城十五里

薛莊 距城十五里

李架子莊 距城十五里

前侯莊 距城十五里

拔幅劉莊 距城十五里

後侯莊 距城十五里

楊鐵匠莊 距城十五里

沙河董莊 距城十六里

楊英甯莊 距城十六里

羅莊 距城十六里

張鐵嘴家 今廢

固鄉第三里 計村莊二十有三

楊樹高莊 距城二十二里

博古寺 距城二十二里

來莊 距城二十三里

中伍街 距城二十五里

蘇莊 距城二十五里

前郝家 距城二十六里

後郝莊 距城二十六里

司莊 距城二十六里

蕭莊 距城二十六里

郭莊 距城二十六里

李莊 距城二十六里

杜莊 距城二十六里

王莊 距城二十六里

張匾頭莊 距城三十里

韓莊 距城三十里

王廷府莊 距城三十里

小傅莊 距城三十里

李明莊 距城三十一里

龍莊 距城三十二里

傅皮匠莊 距城三十二里

張盤古莊 距城三十三里

張泮湖莊 距城三十四里

小楊莊 今廢

固鄉第四里 計村莊二十有四

王清溪莊 距城二十八里

大劉家集 距城三十二里

小劉家集 距城三十二里

亞家莊 距城三十四里

閆莊 距城三十四里

銀相公莊 距城三十五里

韓莊 距城三十五里

魏家庵 距城三十六里

新莊 距城四十里

楊盤鎮 距城四十里

黃莊 距城四十里

樓子莊 距城四十里

空城李莊 距城四十里

小傅莊 距城四十五里

褚莊 距城四十五里

後何家廟 距城四十五里

前何家廟 距城四十五里

小趙莊 距城四十五里

紀家樓 距城四十五里

前田家河 距城四十六里

小文莊 距城四十六里

後田家河 距城四十六里

小張莊 距城四十七里

華莊 距城四十七里

固鄉第五里 計村莊二十有四

李知白莊 距城二十里

小劉莊 距城二十一里

後桃園劉莊 距城二十里

范莊 距城二十三里

高莊 距城二十三里

伊莊 距城二十三里

桑莊 距城二十四里

河溝王莊 距城二十四里

銀莊 距城二十四里

李鐵匠莊 距城二十四里

謝莊 距城二十五里

前魏莊 距城二十五里

後魏莊 距城二十五里

舒莊 距城二十六里

韓莊 距城二十七里

潘莊 距城三十二里

筐楊莊 距城三十五里

大莊 距城三十五里

窪陳莊 距城三十六里

鐘鼓樓張莊 距城三十七里

蔡王莊 距城三十八里

窪裏高莊 距城三十八里

丁莊 距城四十里

洪莊 今廢

固鄉第六里 計村莊二十

畢莊 距城十五里

常莊 距城十五里

前水郡莊 距城十六里

楊莊 距城十六里

丁莊 距城十七里

後水郡莊 距城十七里

王知莊 距城十八里

篋子劉莊 距城十八里

遼家廟 距城十八里

茶棚 距城十八里

王士虎莊 距城十八里

遂鐵匠莊 距城十八里

盧莊 距城二十里

賈莊 距城二十里

二馬蘇莊 距城二十一里

夏莊 距城二十二里

任官莊 距城二十二里

李家油房 距城二十二里

尤莊 距城二十四里

李家鎮 距城二十四里

庶富鄉七里計村莊二百八十有七 內有廢村十

鄉第一里 計村莊四十有六

蘇莊 距城八里

前劉剛莊 距城八里

劉大碗莊 距城十里

張莊 距城十一里

王興吾莊 距城十里

曲莊 距城十二里

石莊 距城十二里

孫莊 距城十二里

前喬莊 距城十二里

後喬莊 距城十二里

楊奎莊 距城十二里

新集 距城十二里

程萬侯莊 距城十二里

徐莊 距城十三里

劉雙槐莊 距城十三里

范莊 距城十四里

後姜莊 距城十五里

前姜莊 距城十五里

窪劉莊 距城十五里

張萬莊 距城十六里

李仙莊 距城十六里

蒙千莊 距城十七里

龐莊 距城十七里

陶莊 距城十八里

江淮頭莊 距城十八里

劉鐵匠莊 距城十八里

蒙家窪 距城二十里

姜貢士莊 距城二十里

杜莊 距城二十二里

篋子趙莊 距城二十三

劉莊 距城二十四里

李莊 距城二十四里

蒙莊 距城二十五里

牟莊 距城二十五里

劉仙莊 距城二十六里

窪裡王莊 距城二十六

方莊 距城二十八里

竈戶李莊 距城二十八

灰窩街 距城二十八里

蔣莊 距城二十八里

祁莊 距城三十里

徐莊 距城三十里

孫莊 距城三十里

鄭莊 距城三十里

詹莊 距城三十里

于莊 今廢

庶鄉第二里 計村莊三十有九

董家沙窩 距城二里

張知縣莊 距城三里

三里莊 距城三里

楊梯青莊 距城三里

劉惠普莊 距城三里

楊太環莊 距城三里

帽楊莊 距城三里

武莊 距城四里

繩莊 距城四里

高莊 距城五里

五里莊 距城五里

大蘇莊 距城五里

李會莊 距城六里

竈戶劉莊 距城六里

小祁莊 距城六里

左莊 距城六里

蔡莊 距城六里

許莊 距城八里

馬莊 距城八里

後劉剛莊 距城八里

八里堂 距城八里

項莊 距城九里

王莊 距城九里

吳家碾棚 距城九里

劉鐵匠莊 距城十里

趙莊 距城十二里

張莊 距城十二里

李家鎮 距城十三里

南北莊 距城十三里

曹莊 距城十三里

白佛堂 距城十五里

小店 距城十五里

東店 距城十六里

羅莊 距城十六里

崔茂莊 距城十七里

荆莊 距城十七里

窪趙莊 距城十八里

王曇莊 距城十八里

南陳莊 距城二十里

庶鄉第三里 計村莊五十有四

財神廟 距城一里

關家園 距城一里

宋莊 距城二里

周莊 距城二里

王爾封莊 距城二里

賈家窰 距城二里

潘莊 距城三里

路莊 距城三里

詹莊 距城三里

劉震雷莊 距城三里

大香房 距城三里

小香房 距城三里

李萬莊 距城四里

義和莊 距城五里

劉餘莊 距城六里

王桂石莊 距城六里

前老鴉林 距城六里

後老鴉林 距城六里

東盧莊 距城六里

西盧莊 距城六里

孟帽盒莊 距城六里

孫莊 距城七里

大祁莊 距城七里

于斗子莊 距城七里

林莊 距城七里

張蜚莊 距城八里

謝莊 距城八里

西蒼白 距城八里

東蒼白 距城八里

張莊 距城十里

皮家窪 距城十里

前岳莊 距城十里

新莊 距城十里

後岳莊 距城十里

廣明庵 距城十里

王莊 距城十里

閆家集 距城十一里

楊紗帽莊 距城十一里

崔莊 距城十一里

樓子王莊 距城十二里

前孔家房 距城十二里

後孔家房 距城十二里

張明字莊 距城十二里

米家河 距城十二里

郝莊 距城十三里

解莊 距城十四里

王世英莊 距城十四里

太平莊 距城十四里

高爐寺 距城十五里

朱莊 距城十五里

姜莊 距城十六里

馬海莊 距城十六里

馮莊 今廢

潘四郎莊 今廢

庶鄉第四里 計村莊三十有一

馬廠 距城二十里

前棗寨 距城二十里

後棗寨 距城二十里

大新莊 距城二十里

李家廟 距城二十二里

小新莊 距城二十二里

李家道口 距城二十二里

毛莊 距城二十二里

安莊 距城二十三里

張家集 距城二十三里

小寇莊 距城二十四里

李帥莊 距城二十四里

馬道子莊 距城二十四里

李馬子莊 距城二十四里

尤家集 距城二十五里

時家園 距城二十五里

湯莊 距城二十六里

馬白眉莊 距城二十六里

蓋莊 距城二十六里

葛勇莊 距城二十六里

臧莊 距城二十六里

小柴莊 距城二十六里

王學堂莊 距城二十六里

王悅莊 距城二十七里

生莊 距城二十八里

皮虎林 距城二十八里

小魏莊 距城三十里

王德普莊 距城三十一里

元莊 距城三十二里

孫溝子莊 距城三十二里

李才莊 距城三十二里

庶鄉第五里 計村莊五十有二

東張定莊 距城十六里

西張定莊 距城十六里

後張定莊 距城十六里

萬莊 距城十八里

董莊 距城十八里

張學武莊 距城十八里

宋莊 距城十八里

王鐵匠莊 距城十八里

夏莊 距城十八里

前桃園劉莊 距城二十里

杜莊 距城二十里

沙河孟莊 距城二十里

段莊 距城二十里

小孟莊 距城二十里

古莊 距城二十二里

馬莊 距城二十六里

小劉莊 距城二十六里

小李莊 距城二十六里

小段莊 距城二十六里

小焦莊 距城二十六里

孫莊 距城二十七里

孟家集 距城二十八里

王堅固莊 距城二十八里

小趙莊 距城二十九里

張頂莊 距城三十里

小高莊 距城三十里

李麻莊 距城三十里

劉燦華莊 距城三十里

郭莊 距城三十里

小王莊 距城三十二里

方莊 距城三十二里

龐莊 距城三十二里

姚莊 距城三十二里

劉雙全莊 距城三十二里

小夏莊 距城三十三里

盧家紙房 距城三十五里

楊家紙房 距城三十五里

于莊 距城三十五里

徐莊 距城三十五里

苑莊 距城三十五里

崔莊 距城三十五里

王莊 距城三十六里

河溝李莊 距城三十六里

魏莊 距城三十六里

青積務 距城三十六里

張家紙房 距城三十六里

樓子莊 距城四十里

王木腿莊 距城四十里

鐵佛李莊 今廢

百馬倪莊 今廢

暴莊 今廢

几莊 今廢

鄉第六里 計村莊三十有七

苑莊 距城八里

關莊 距城九里

李拔貢莊 距城十里

馬家油房 距城十二里

遂莊 距城十二里

李家衙衙 距城十三里

潘莊 距城十三里

張莊 距城十三里

店西劉莊 距城十四里

賴小安莊 距城十五里

鄆莊 距城十六里

徐莊 距城十六里

趙莊 距城十六里

郭莊 距城十六里

司莊 距城十六里

柴家廟 距城十六里

孟莊 距城十六里

柴胡店 距城十六里

朱莊 距城十六里

呂莊 距城十六里

葦子灣 距城二十里

黑趙莊 距城二十里

大柴莊 距城二十里

楊莊 距城二十五里

田家河 距城二十五里

王三合莊 距城二十五里

趙莊 距城二十五里

趙家酒房 距城二十五里

大周莊 距城三十里

白家廟 距城三十里

明莊 距城三十里

吳莊 距城三十里

陳莊 距城三十里

薛莊 距城三十里

王莊 今廢

晉莊 今廢

馬莊 今廢

鄉第七里 計村莊二十有八

前艾莊 距城二十里

後艾莊 距城二十里

路莊 距城二十五里

崔莊 距城二十五里

前馮莊 距城二十五里

後馮莊 距城二十五里

張宿莊 距城二十五里

彭家衝衝 距城二十五里

王家油房 距城二十五里

張籠牛莊 距城二十五里

權莊 距城二十六里

鮑莊 距城二十六里

白莊 距城二十六里

小李莊 距城二十六里

張莊 距城二十六里

小艾莊 距城二十七里

潘莊 距城二十七里

李士固莊 距城二十七里

杜家廟 距城二十七里

小周莊 距城二十七里

趙鐵鍋莊 距城二十七里

崔楊二莊 距城三十一里

孟豹莊 距城三十二里

卞莊 距城三十二里

姜莊 距城三十二里

王秀莊 距城三十三里

邵莊 距城三十三里

雙廟崔莊 距城三十三里

遷善鄉六里計村莊二百四十有五 內有廢村三

遷第一里 計村莊五十有八

雙廟 距城六里

孫陽出莊 距城六里

東王莊 距城六里

西王莊 距城七里

武莊 距城七里

杜莊 距城七里

東劉廷石莊 距城八里

西劉廷石莊 距城八里

武韜莊 距城八里

油房李莊 距城八里

韓莊 距城八里

前窪裏周莊 距城八里

後窪裏周莊 距城八里

段莊 距城九里

龐莊 距城十里

陳管匠莊 距城十里

李朋莊 距城十里

郭家寺 距城十里

前焦莊 距城十里

杜家閣 距城十一里

豆芽菜趙莊 距城十一里

前油周莊 距城十二里

後油周莊 距城十二里

後焦莊 距城十二里

閆莊 距城十二里

李八卦莊 距城十二里

黃莊 距城十二里

王岐山莊 距城十三里

趙莊 距城十三里

孟莊 距城十四里

王相廷莊 距城十五里

守墓劉莊 距城十五里

柴莊 距城十五里

虎皮張莊 距城十五里

鄭莊 距城十五里

王貨郎莊 距城十五里

大劉西普莊 距城十六里

小劉西普莊 距城十六里

東耿莊 距城十六里

西耿莊 距城十六里

前倉 距城十六里

後倉 距城十七里

殷莊 距城十八里

史莊 距城十八里

小楊莊 距城十九里

門家閣 距城十九里

王鐸莊 距城二十里

裕禮片楊莊 距城二十一里

王雙槐莊 距城二十二里

楊老頭莊 距城二十二里

經承張莊 距城二十二里

萬莊 距城二十三里

門家道口 距城二十四里

張家道口 距城二十四里

闕家道口 距城二十五里

邢莊 距城二十五里

靳莊 距城二十五里

眠羊李莊 距城二十六里

遷鄉第二里 計村莊三十有四

尹家礮碾 距城十二里

朱家礮碾 距城十二里

畢家礮碾 距城十二里

楊家大莊 距城十四里

楊家小莊 距城十四里

坊子街 距城十五里

小劉莊 距城十五里

小焦莊 距城十六里

花牛李莊 距城二十里

傅莊 距城二十二里

曹莊 距城二十四里

梳頭李莊 距城二十四里

馬蹄張莊 距城二十四里

箕子李莊 距城二十四里

東編筐劉莊 距城二十四里

西編筐劉莊 距城二十四里

前編筐劉莊 距城二十四里

後編筐劉莊 距城二十五里

雷莊 距城二十五里

楊家營盤 距城二十五里

周八斗莊 距城二十五里

曹茂吳莊 距城二十五里

朱莊 距城二十六里

東窪劉莊 距城二十六里

西窪劉莊 距城二十七里

宗楊二莊 距城二十八里

馮家坊 距城三十里

耿家圈 距城三十里

張太監莊 距城三十里

打魚李莊 距城三十里

東廠 距城三十二里

西廠 距城三十二里

菜董莊 距城三十二里

耿莊 距城三十五里

遷鄉第三里 計村莊五十有七

趙莊 距城十四里

宋莊 距城十八里

門莊 距城十九里

賈莊 距城十九里

孔家廟 距城二十里

劉忘言莊 距城二十二里

東馬莊 距城二十四里

龍潭 距城二十五里

張莊 距城二十五里

王家營盤 距城二十五里

王家廟 距城二十五里

前紙房 距城二十五里

後紙房 距城二十五里

西紙房 距城二十五里

朱家道口 距城二十五里

劉家閣 距城二十五里

隄上才莊 距城二十六里

隄上王莊 距城二十六里

前尙莊 距城二十六里

後尙莊 距城二十六里

前李莊 距城二十六里

後李莊 距城二十六里

小王莊 距城二十六里

劉英莊 距城二十七里

隄下才莊 距城二十七里

隄下王莊 距城二十七里

何莊 距城二十七里

邢莊 距城二十七里

高莊 距城二十七里

戰家園子 距城二十七里

孫落雨莊 距城二十七里

宿莊 距城二十八里

陳莊 距城二十八里

張莊 距城二十八里

張子馬莊 距城二十八里

于小川莊 距城二十八里

小李莊 距城二十九里

陳楊二莊 距城二十九里

蕭莊 距城三十里

田莊 距城三十一里

大高莊 距城三十一里

王馬店 距城三十一里

崔家莊 距城三十一里

侯莊 距城三十二里

謝莊 距城三十二里

小高莊 距城三十三里

何建寨 距城三十三里

大魏莊 距城三十四里

董家菴 距城三十四里

王家坊 距城三十四里

金莊 距城三十四里

小魏莊 距城三十五里

小梁莊 距城三十五里

李古台莊 距城三十五里

趙家樓 距城三十六里

小米莊 距城三十六里

周莊 距城三十六里

遷鄉第四里 計村莊三十有一

馮莊 距城十五里

王莊 距城十五里

前劉莊 距城十八里

長莊 距城十八里

陳莊 距城十八里

蕭莊 距城二十里

滿莊 距城二十里

前楊莊 距城二十里

東高莊 距城二十里

王勉莊 距城二十里

戰莊 距城二十里

新莊 距城二十三里

東李莊 距城二十四里

保店 距城二十五里

黃莊 距城二十五里

西高莊 距城二十五里

雒莊 距城二十六里

楊有年莊 距城二十六里

郝莊 距城二十七里

王鳳字莊 距城二十七里

呂莊 距城二十七里

金莊 距城二十八里

于家廟 距城二十八里

張莊 距城二十八里

袁莊 距城二十八里

李家橋 距城二十八里

彭莊 距城三十里

黃家鎮 距城三十里

李羅寨 距城三十里

高莊 距城三十里

方莊 今廢

遷第五里 計村莊六十有五

鄉第六里 距城七里

寶莊 距城九里

謝家集 距城十里

東井莊 距城十里

胡莊 距城十里

紅廟李莊 距城十一里

蘇振綱莊 距城十一里

芝蘇李寶莊 距城十一里

東盧家集 距城十一里

孫古柳莊 距城十一里

西井莊 距城十一里

中遲莊 距城十二里

西盧家集 距城十二里

八莊 距城十三里

西遲莊 距城十三里

陶莊 距城十四里

楊莊 距城十四里

張宅莊 距城十五里

小范莊 距城十五里

劉道莊 距城十五里

郭莊 距城十五里

宋莊 距城十五里

耿莊 距城十五里

萬糧張莊 距城十六里

撒莊 距城十六里

張望南莊 距城十六里

東李莊 距城十六里

張鼎杆莊 距城十六里

王銓莊 距城十六里

彭莊 距城十七里

盧莊 距城十七里

衙前李莊 距城十八里

蕭莊 距城十八里

相衙鎮 距城十八里

小白莊 距城十八里

回莊 距城十八里

苗馬李莊 距城十九里

宋莊 距城二十里

陳莊 距城二十里

洪莊 距城二十里

于莊 距城二十里

孫莊 距城二十里

徐莊 距城二十里

後李莊 距城二十里

王莊 距城二十一里

車李莊 距城二十一里

朱莊 距城二十一里

鄧莊 距城二十一里

黑白莊 距城二十一里

李莊 距城二十一里

後白家廠 距城二十二里

李阜安莊 距城二十二里

前白家廠 距城二十二里

張貢士莊 距城二十三里

谷莊 距城二十三里

惺悟寨 距城二十三里

程莊 距城二十三里

王吏目莊 距城二十三里

田家庵 距城二十四里

河崖白莊 距城二十六里

小王莊 距城二十六里

張立範莊 距城二十六里

編蓆楊莊 距城二十六里

後撒莊 今廢

小戴莊 今廢

里仁鄉五里計村莊一百七十有六 內有廢村六

里鄉第一里 計村莊一十有四

薛莊 距城三十八里

長官 舊治 長灣店 距城四十里

小王莊 距城四十里

劉廷獻莊 距城四十里

小楊莊 距城四十里

羅張莊 距城四十里

周莊 距城四十里

王德厚莊 距城四十一里

仇莊 距城四十二里

張鳳巢莊 距城四十五里

符莊 距城四十六里

高莊 距城四十八里

菓子趙莊 距城五十里

馬奇莊 今廢

里鄉第二里 計村莊五十有四

郭家園 距城一里

閆家沙窩 距城一里

東白莊 距城二里

大傅莊 距城三里

前蓋莊 距城三里

徐莊 距城三里

後蓋莊 距城三里

王家菜園 距城四里

滕莊 距城四里

翟莊 距城四里

陳莊 距城五里

大范莊 距城五里

西白莊 距城二里

劉家菜園 距城三里

臧家菜園 距城三里

臧莊 距城三里

姚莊 距城三里

張家菜園 距城四里

周騎馬莊 距城四里

雒莊 距城五里

薛莊 距城五里

孫家集 距城五里

張秀莊 距城五里

閻家菜園 距城六里

時家集 距城六里

仝莊 距城八里

傅莊 距城八里

鶉鴿張莊 距城八里

高萬糧莊 距城九里

蘇莊 距城十一里

郭杲莊 距城十三里

小徐莊 距城十三里

小傅莊 距城六里

周家集 距城六里

崔莊 距城六里

桑莊 距城八里

周家染房 距城八里

謝絃子莊 距城九里

劉帽頂莊 距城九里

披戶李莊 距城十一里

楊西川莊 距城十三里

馬廠 距城十六里

前安州寨 距城十七里

後安州寨 距城十八里

劉秋莊 距城十八里

張安莊 距城十八里

龐家寺 距城十八里

于太還莊 距城二十里

養官馬莊 距城二十里

劉家營伍莊 距城二十里

郭家營伍莊 距城二十里

王家營伍莊 距城二十里

楊家小章 距城二十一里

梁莊 今廢

鄉第三里 計村莊一十有八

大曹莊 距城十二里

狗皮鄭莊 距城十五里

李胡莊 距城十六里

七間廳 距城十八里

大柳鎮 距城十八里

張學齋莊 距城二十里

邢莊 距城二十里

王家濠 距城二十里

小李莊 距城二十里

崔莊 距城二十二里

茂孫莊 距城二十二里

傅家集 距城三十里

五福劉莊 距城三十二里

菜白李莊 距城三十三里

鄧子 距城三十三里

謙場鄭莊 距城三十五里

北桑莊 距城三十七里

小陳莊 今廢

鄉第四里 計村莊六十有八

王河莊 距城十一里

史莊 距城十一里

馬莊 距城十二里

前劉太還莊 距城十二里

後劉太還莊 距城十二里

河抱張莊 距城十五里

黃家衙衙 距城十五里

傅家廟 距城十五里

小李莊 距城十八里

周莊 距城二十里

十王廟 距城二十一里

于家小章 距城二十一里

高家小章 距城二十一里

李家小章 距城二十一里

孫華門莊 距城二十二里

王家濠 距城二十三里

前高塔寺 距城二十三里

老君堂 距城二十三里

後高塔寺 距城二十三里

大郭莊 距城二十三里

雙廟齊莊 距城二十三里

田莊 距城二十三里

劉家窰廠 距城二十四里

魯家窰廠 距城二十四里

殷家窰廠 距城二十四里

姚家窰廠 距城二十四里

樂家窰廠 距城二十五里

張家窰廠 距城二十五里

東鄭家窰廠 距城二十五里

西鄭家窰廠 距城二十五里

王家香房 距城二十五里

西王家窰廠 距城二十五里

前商莊 距城二十六里

後商莊 距城二十六里

小馬莊 距城二十六里

大尹莊 距城二十六里

小郭莊 距城二十六里

茂煙寺 距城二十六里

雙碓 距城二十七里

小尹莊 距城二十七里

鄭莊 距城三十里

康莊 距城三十里

新集 距城三十里

高家橋 距城三十里

小安莊 距城三十里

張家紙房 距城三十里

程莊 距城三十里

小曹莊 距城三十二里

楊莊 距城三十三里

雙廟孟莊 距城三十三里

陳莊 距城三十三里

龐莊 距城三十三里

馬莊 距城三十三里

靳莊 距城三十五里

沈莊 距城三十五里

張戶頭莊 距城三十五里

前吉楊莊 距城三十五里

後吉楊莊 距城三十五里

魏莊 距城三十六里

鄭儀門莊 距城三十七里

李名揚莊 距城三十七里

田莊 距城三十八里

曹家堂 距城三十八里

沿頭李莊 距城四十里

劉家坊 距城約九十里

韓莊 今廢

寄莊南皮

窪劉莊 今廢

林莊 今廢

里第五里 計村莊二十有二

小郭莊 距城二十二里

張披封莊 距城二十三里

李滿莊 距城二十五里

三陶家菴 距城二十六里

姚莊 距城二十七里

孟金寺 距城二十八里

小玉莊 距城二十八里

樸李莊 距城三十一里

石莊 距城三十二里

化莊 距城三十二里

曲莊 距城三十四里

小孫莊 距城三十五里

郭相莊 距城三十五里

小孟莊 距城三十五里

張大鼓莊 距城三十九里

大苑莊 距城四十里

小苑莊

距城四十一里

小劉莊

距城四十二里

黃莊

距城四十四里

路莊

距城四十五里

信莊

距城四十五里

艾莊

距城四十六里

坊市里村莊共九

中有西滕莊張家莊見上

齊家衚衕

距城一里

侯家衚衕

距城一里

李家園

距城一里

張家糖房

距城二里

楊家衚衕

距城二里

窪劉莊

距城三里

東滕家

距城五里

市集

附 四鄉輪轉日期

逢一六日集場

本城集四關輪置

邑東

距城五里 中伍街

邑東南

距城五里 尤家集

邑西南

距城二十里 蒙家窪

邑西北

距城五里 王家廟

逢二七日集場

邑東北

距城十四里 戴家廟

邑東

距城六里 段家集

邑東

距城八里 孟家集

邑西

距城十八里 相衙鎮

邑西北

距城三十里 馮家坊

邑北

距城十八里 大柳鎮

逢三八日集場

邑東

距城十一里 閻家集

邑東

距城三十里 杜家集

邑東北

距城四十里 長灣店

邑西南

距城十四里 新集

邑北六里時家集

邑北三十里耿家圈

逢四九日集場

邑東北十二里太平店

邑東四十里楊盤鎮

邑東二十里李家鎮

邑西十五里坊子街

邑西二十里田家巷

邑西二十里保店

逢五十日集場

邑東十六里柴胡店

邑南十三里李家鎮今罷

邑南十五里小店

邑西七里謝家集

邑西十二里盧家集

邑西三十里黃家鎮

邑西北二十里何家寨

邑北五里孫家集今罷

邑北三十里北新集

廟會附

本城廟會

閻王殿 四月二十二日

藥王廟 四月二十八日

城隍廟 九月十五日

白衣閣 十月

東鄉廟會

蕭家 正月初六三月初

王桂石家 二月十五日

青積務 二月二十七日

李麻家 三月初三日

杜家廟 三月初八日

李皇親家 三月初八日

中伍街 三月初八九

戴家廟 三月二十八日

柴胡店

四月二十八日

楊盤鎮

四月二十九日

張家集

十一月

白家廟

二月二十二日
四九集場

南鄉廟會

窪劉家龍王廟

二月十五日

小店

二月

高爐寺

三月初三日

西鄉廟會

保店

三月二十四日
四月二十八日

王家廟

三月二十八日
三月三十日

東遲家

四月二十八日

後白家廠

四月二十八日

相衙鎮

六月初九日

崔家莊

九月初九日

黃家鎮

九月

北鄉廟會

龍潭

二月初二日

營伍莊

二月十九日

李滿家

四月十五日

耿家園

四月二十八日

長灣店

五月十一日

大柳鎮

九月

風俗

古者太史採風凡鄉里之習尚士女之謳吟無不勒
爲成書以貢於王朝所以驗治化而覘民情也甯津
風俗舊志聊載端倪茲仿通志以冠昏喪祭居首而
歲時次之其首則歷引史籍以提綱而逐條皆爲考
徵其本末並於歲時附占候亦所以勸農也昔李東
陽以爲民庶而富裕敦而龐願勉副斯言志風俗

齊趙衛之徒其民鄙薄少禮文好射獵其俗剛勇尚氣

力其失頗奢靡而野好氣任俠

漢書地理志

胡蘇隸兗州其人尚多好儒學性質直懷義有古之風

烈隋書地理志

北際幽朔東濱海岱繭絲織紆質厚少文多博經學氣

勇尚義號為強伎宋史地理志

人多技藝秀者讀書耐勞苦遼史地理志

兖豫宮徵合平靜有慮人聲端其泉甘以苦河圖始開圖

土厚泉甘人物產於其間者多實少浮圖經

河間諸屬勤儉務農無浮末之習明一統志

人性質直尚儉約勤稼穡織紆雍正通志

河間自獻王好學慕古以招賢者於是毛董之徒彬彬

興起數百年流風未衰雖及拓拔高齊擾攘之餘而

儒生輩起經術猶盛河間府志

古稱禮樂之國且在畿輔之內文武衣冠之盛比於鄒

魯郡志

沃野平疇風俗敦厚學士劉定之記見府志

古稱燕趙多慷慨義士厯厯留芳評尚書沈東魁詩

重賢敬賓樂施予重墓祭立義社豫凶舊志

義社之法不問貧富但擇有德者入之朔望二會各出錢若干推謹厚者掌之會中有喪助以資財

冠男子及長隨時加冠不拘古禮

冠禮之廢久矣古者二十而冠而魯襄公年十二晉悼公謂可以冠矣蓋國君十五而生子禮也今人不知冠禮而未及成童而娶則有之劉熙釋名曰冠貫也所以貫綯髮也纓頸也自上而繫於頸

也今之纓冠雖異而纓在上鬚髮絳下繫於頸則同且孩幼皆著便帽必俟稍長成乃加纓帽則亦未盡變古矣

婚 行聘不尚財禮親迎合巹古道猶存惟貧者多不

親迎

按家語本命解哀公曰男子十六精通女子十四而化是則可以生民矣而禮男必三十而有室女必二十而有夫豈不晚哉孔子曰夫禮言其極不是過也男子二十而冠有為人父之道女子十五許嫁有適人之道於此而往則自婚矣此論最為通曉足破戴記大衍之說周禮嫁殤之疑蓋孔子生伯魚亦年十九也若今俗嫁娶儀文則固未盡離乎古

喪 士大夫家多行文公家禮隨家貧富以為豐儉

昔子游問喪具夫子曰稱家之有無子游曰有無惡乎齊夫子曰有毋過禮苟無矣還葬縣棺而窆

祭 人豈有非之者哉又聞子思曰有其禮無其財君子弗行也其禮有財無其財君子弗行也今人有有力者習尚浮華無力者或停親柩甚至多年不葬竊見楊升菴勸孝說曰親在則視親身為可有可無之人親沒則以親骸為求富求貴之具終年擇吉柩置空堂更有在外聞訃緩不奔喪一有疏虞萬悔無及此固盡人所宜深念慎勿為陋俗所移

四時祀先展墓齊民通行

家祭與墓祭皆所以盡心也如每月朔望詣園主前拈香供茶果而元宵端午中元中秋則加牲禽供饌而焚黃此皆祭於家者也至若祖父母忌日及清明十月朔則皆省墓必帶鐵木二楸隨視墓墳有雨冲處即修培有獲穴處即填塞亦求其心所安而已

讌會 鄉人以齒為序惟尊親遠賓高爵者則另序

今俗以燕會殺品通稱為酒席按古無卓倚皆席地坐故凡肆筵必先設席今則置卓為筵而仍稱

設席亦僅存其名矣若齒序另序則猶孟子庸敬
斯須貴尊賢之義耳顧嘗念口之於味有同嗜
焉其法略備於內則如滷熬煎醃加於陸稻上沃
之以膏此即今江米甜飯所仿也若炮取豚若牂
剗之剗之實棗於其腹中編萑以苴之塗之以瑾
塗皆乾擘之即今包泥燒及填荷葉青果於鴨腹
而燒烤之所仿也其曰鉅鑊湯以小鼎薺脯於其
中使其湯毋滅鼎即今隔水煮之所仿也其曰糝
取牛羊豕之肉小切之與稻米稻米二肉一合以
爲餌即今米粉蒸肉之所仿也其曰肝管取狗肝
一幪之以其管濡炙之舉燠即今網油肝之所仿
也至於濡豚濡雞則亦即今滑煮耳餈蜜以甘即
糖料耳莖苴以滑即粉團耳若唐韋巨源食譜謝
諷食經則尤與今多合矣然而貪口腹而恣殺牲
禽亦爲賢達之所戒如侯鯖錄載東坡在黃州早
晚飲食惟一爵一肉有尊客盛饌則三之可損不
可增有召我者預以此告之一曰安分以養福二
曰寬胃以養氣三日省費以養財願以告日食萬
錢無下箸處者再近俗譙會其穀品以燕窩爲上
而海參魚翅次之愚嘗考此三物者自明以前食

譜醫書皆所未載即明李時珍本草亦未收及至
明末而泉南雜志湖海搜奇梅村詩集始見采錄
可知古人惟守常
經不尙異味也

慶弔

吉禮則慶有賀儀凶禮則弔有奠儀賻儀

周官大宗伯以凶禮哀邦國之憂以嘉禮親萬民
此即世俗慶弔之所由行而不在儀文之末也感
應篇曰見人之得如己之行而不在儀文之末也感
是以賦閒關而燕友爲春酒以介眉非必厚餽爲
敬也鄰有喪春不相里有殯不巷歌非必執紼始
悲也又如大司徒以保息六養萬民其曰慈幼養
老安富皆慶之屬也曰賑窮恤貧寬疾皆弔之屬
也孟子曰守望相助疾病相扶持其猶古睦婣任
卹之道也夫

送迎

遠行則送餞贐如常儀歸則或迎或往省士夫

閭里之間不張車蓋

昔百里奚相秦穆公勤勵自苦勞不坐乘暑不張蓋行於國中未嘗從車騎此乃身為相國而行於國中且不張蓋無從騎也況於宗族鄉黨之間顧以富貴加之乎如傅稱肉史慶醉歸入門不下乘萬石君聞之不食肉史肉袒謝罪乃罷後諸子入里門皆步趨至家願體集曰富貴之家常有窮親戚來往不戲謔父執貧交躬送破衣親友出大門外如此足稱厚道若視疏族窮親全無禮貌反傷元氣而形已淺薄北齊顏之推家訓南人賓至不迎相見捧手而不揖送客下席而已北人迎送並至門相見則揖古之道也見風操篇

元旦 祭神祀先拜尊長食水餃親友街鄰互相賀

月正元日紀於虞書所謂歲之首事之始也神隱日元旦三更先詣厨迎祀竈神乃釘桃符貼門神以避邪祟設香燭酒果供獻於天地前五更家長率合家祈答上帝致祭平日供祀神祇用牲醴享祀祖考畢於家堂敘長幼飲屠蘇酒乃設殺饌餽餽自幼至長稱觴歲譜註曰餽餽一名不托即今

扁食也然今餽餽與扁食分二種而餽餽之名則甚古楊子方言餅謂之餽或謂之餽是兩漢時已有此稱蓋餽餽乃麵皮包餡之總名故今之水餃古亦通謂餽餽也再考占候元旦值甲穀賤人疫乙穀貴民病丙四月旱丁絲棉貴戊米麥魚鹽貴主旱己米貴蠶傷庚田熟民病金鍊貴辛米平麥麻貴壬布豆貴米麥平癸主禾傷多雨水民災以上相傳如此舉其大概而已

立春 飲春酒食春餅用蔥蒜椒薑芥合切而調食之

曰五辛盤

按四時寶鏡立春日食春餅生菜號春盤四民月令曰立春食生菜取迎新之意又據言曰安定郡王立春日作五辛盤據遺日東晉李鄂立春日以蘆葦芹芽為菜盤亦五辛之意也又立春占土牛法牛頭色青主春多瘟赤主春多旱黃主歲稔白主多風黑主春多水身上主上鄉蹄主下鄉田家以此占驗又立春以晴為上有雪主夏秋旱西北風主米貴東南風主旱

元宵 張燈演雜劇十四夜起十六夜止餽食元宵四

鄉游觀曰走百病

史記漢制以正月望日祀太乙從昏達旦今人元
宵觀燈是其遺迹西都雜記執金吾治街道禁夜
行惟正月十五夜敕許弛禁前後各一日謂之放
夜又北史柳彧見都邑百姓正月十五日作角觝
戲上奏曰頃見京邑外州咸於正月望夜鳴鼓聒
天燎炬照地人帶獸面男為女裝充街塞陌競此
一時請並禁斷上可其奏又宋周必大有元宵食
浮圓子詩即今煮元宵也又元周用有走百病詩
曰都城燈市由來盛大家小家同節令諸姨新婦
及小姑相約梳妝走百病云共百五十四言又
占候曰元宵晴主一春雨少諺云上元無雨多春
早十六日謂之落燈夜晴主高低皆熟東南風水
鄉好西北
風主旱

天倉日 黎明以灰圈地作倉困形置五穀種覆以甌

名曰填倉

按素問靈蘭經脾胃者倉廩之官故天官書以胃
星為天倉所謂以人合天也正義曰胃主倉廩明
則五穀豐稔北京歲華記正月二十五日家市酒
肉恣饗竟日客至苦留必盡器而去名曰填倉此
乃填腹中之胃倉以說文訓胃為穀府也而吾鄉
則以灰畫作倉困之形而置種粒於中乃仰觀星
象而祈年此又本史記胃為天倉之說也其日以
二十五者蓋法天生成之積數或於是日祭倉神
春秋緯曰天廩倉神名均因思越絕書春申君
於吳造倉亦名均輸也占候二十日晴主秋成

仲春二日 以灰糠引龍

按宛署雜記都人呼二月二日為龍擡頭鄉民用
灰自門外蜿蜒布入宅厨旋繞水缸呼為引龍回
又劉侗帝京景物略二月二日為龍抬頭煎元旦
祭餘餅又占候曰二月初二為上工日雨主妨農
以晴為上若是日凍冰主旱歲華紀麗日昔巢氏
二月二日乞得人子歸養之家便大富後以此日

出野田采蓬艾以祭之云迎富

春分日 釀酒拌醋接果樹

按學齋估畢曰九經無醋字止言醢及酸因思儀禮特牲饋食禮尸以醋主人鄭康成音注醋才各反報也古文醋作酢說文醋字亦注云客酌主人也是醋字禮經原有但義同酬酢不訓酒醋耳其造酒醋以春分者蓋春分爲中和節取得中和之氣耳又田家麻曰二月丙申日理栽諸般樹條皆易活及修理移植諸般花果俱宜用南風火日又歲譜曰社在春分前主歲豐在春分後主歲儉乃自立春後五戊爲春社立秋後五戊爲秋社雖婦孺皆可知也吾鄉業種果樹者頗繁此固亦同於圃學

清明 祀先展墓農作方輿償易租券

開成石經御刪定月令曰清明之日桐始華是月也薦鮪于寢廟此清明祀先之所由也又是月也

穀雨日 禁蠅

日在胃命國讎鄭註以胃北即太陵乃主死喪有積尸之氣故讎以爲禳此又清明掃墓之所仿也唐書開元敕曰寒食上墓禮經無文近代相傳寢以成俗宜許上墓同拜掃禮由此觀之清明上墳自唐已著爲令矣又月令是月有賜貧窮振乏絕之文而今俗則於是月償易租錢文券其亦量力而行乎如唐杜甫清明詩曰虛沽焦舉爲寒食實藉君平賣卜錢殆亦如今寒食催租故慨乎其言之又元柳貫寒食山居詩云歲月無情日變遷惜春留得酒家錢此亦寒食償債之類也考宋史食貨志曰以地參定肥瘠分五等以定稅至明年三月揭以示民卽書戶帖連莊帳付之以爲地符又賑卹條云自十月一日至次年三月終皆爲今期之程式又占候三月朔值清明主草木榮茂值穀雨主年豐有雷主五穀熟若清明後穀雨前一兩日間下霜主大旱若穀雨日雨主雨多十六日西南風亦主旱桑葉貴

按唐景龍文館記曰上巳日辛渭濱宴侍臣賜柳圈各一云帶之免蠶毒今之禁蠶卽其遺制但移在穀雨耳孝經援神契曰清明後十五日斗指辰爲穀雨唐石經月令三月清明後十五日斗指生其於是日禁蠶者亦磔攘以畢春氣之意也占候曰穀雨前一兩日霜主大旱是日雨主雨多又穀雨值三月朔主年豐有雷主五穀熟若治蠶諸方則蜀本草曰蠶緊小者名蚶周密癸辛雜志有火蠶比常蠶尤小而毒甚酷據陶宏景集驗方蠶有雌雄雄者螫人痛止一處用井泥敷之雌者螫人痛牽諸處用瓦溝下泥或尿泥敷之再畫地作十字取土水服方寸七倫螫手足以冷水浸之在身以水浸布搦之皆驗按華陀治彭城夫人蠶螫方乃以溫湯漬之數易至曉愈又葛洪肘後方凡蜂蠆螫醋調黃丹塗之又古今錄驗云被蠶螫者但以木碗合螫處神效又孫思邈千金方蠶螫水調礪砂塗之立愈又劉禹錫傳信方凡蠶螫蛇咬諸毒燒刀矛頭令赤置白礬於上汁出熱滴之立瘥又王燾外臺秘要蜂蠆傷薄荷葉接貼之或鳳仙花枝葉搗敷之又篋中方半夏末水調塗

之立止又張文仲傳方蜂蠆螫傷用馬齒莧搗爛敷之甚妙以上所錄皆經明效若以符咒爲治如書馬字去鉤及背陰寫溫良公三字以鍼割末筆住處終覺虛空卜度

端午 懸艾於門童稚繫綵縷飲雄黃酒以角黍相餽

遺

荆楚歲時記五月五日采艾爲人懸門戶上以禳毒氣故師曠占曰歲多病則艾草先生也又風土記曰端午烹鷺角黍端始也謂初五日以菰葉裹黏米煮熟爲糗梁王筠五日詩采艾異詩人唐明皇端午詩九子纓爭新又帝京景物略以菖蒲漬酒以雄黃塗鼻皆所以避疫毒也又家塾事親云五日午時硃砂寫茶字倒貼之蛇蠍不敢近又便民圖纂五日午時望太陽寫白字倒貼於柱上四處則無蠅占候曰端午晴主水雨主蟲災又夏至在五月端月初主雨水調諺云夏至端午前坐了種田年若端午日逢夏至主米昂貴

六月六日 儲水窖麴醬暴衣曬書

按李時珍本草造麴法用大小麥連皮并水淘淨
 曬乾六月六日磨碎以淘麥水和作塊楮葉包紫
 懸風處七十日可用矣即葉氏水雲錄造神麴法
 亦以五月五日六月六日或三伏日為期也又造
 醬若周官百有二十甕可無論已而今俗則麴醬
 有大麥小麥甜醬葱醬之屬豆醬有大豆小豆菹
 豆之屬假如醬味不正陳藏器曰遇下雹時取一
 二升納入甕中即還本味也其用六月六日與墨
 娥小錄留青采珍造醋日期並同至云曝衣曬書
 據世說郝隆阮仲容故事實七月七日而舊志顧
 云爾查元司農司農桑輯要卷七歲用雜事云六
 月晒氈褥書裘是其所本也然書裘實皆不宜於
 炎暑曝晒必受傷生蟲惟風晾不見太陽為妙又
 占候曰六月六日晴主收乾稻雨主有秋水又朔
 日值大暑人多病風雨主米貴又小暑日雨主水
 東南風及成塊白雲起主退水秋旱又伏裏西北
 風主穀多
 糝冬冰堅

中元 家祭多於十四日舉行工作皆相犒飲

唐太宗大歷三年七月內出孟蘭盆賜章敬寺綱
 目有譏集覽曰孟蘭盆乃天竺國梵語猶言救倒
 懸今人真設盆以為供誤矣蓋自開元二十九年
 元宗夢真客後而中原孟蘭之說遂盛行於天下
 若衡之於古則惟秋禊庶幾可為典要按宋書禮
 志引劉楨魯都賦曰素秋二七天漢指隅人胥祓
 除國子水嬉是七月十四為修秋禊之期也又謝
 朓侍宴曲水詩亦有秋被濯流春禊浮醴語可見
 秋禊自魏晉以來久成故事吾鄉於十四日享先
 亦循秋禊遺型耳若十五日則
 國朝例設厲壇之祭稟經酌古因民俗以均惠於幽
 冥而絕非佛氏餓鬼之談可謂仁至義盡矣占候
 曰七月初八得斗滿日主秋成處暑日雨亦有年
 俗以十五謂之養竿生日有雨主撈有雷主旱乾
 涸十六雨
 主荒歉

中秋 祀先供月以月餅相饋遺設酒殺瓜果為夜飲

唐食譜中秋有玩月羹蘇舜欽中秋新橋玩月詩
雲頭豔豔開金餅此則以餅形月之圓也而帝京
景物略中秋祭月其果餅必圓此又仿月為餅之
義也使燕錄云中秋天色陰晴與夷狄同故東坡
中秋詩嘗聞此宵月萬里同陰晴占候曰中秋十
五雲遮月來歲元宵雨打燈又十六夜月如萬里
無雲來年大熟或十六無月明年主水又十二日
為鹽生日東北風為鹹潮風主謙地穀多糝有雨
亦批又秋分日東南風主歲稔民安東北西
北風皆主多糝稗惟無風微雨而陰為最妙

重九

士大夫題餠飲酒四野農忙每忘此節

西京雜記漢武帝宮人賈佩蘭九月九日佩茱萸
食蓬餌飲菊酒云令人長壽因思壺中贊錄重陽
日作粗糗蜜餠皆以糖和米麩為之此其所謂蓬
餌而為今蒸餠之所仿乎按月令季秋其數九誠
以地四生金天五成之合而為九又值九日故重
九也凡陽為上陰為下重陽則上而又高矣故宜
登高又借音以為糕故宜食餠此亦從古如斯者
也歲時紀曰土人並集野飲宴占候曰重陽日晴

則冬至元日上元清明皆晴雨則皆雨諺云重陽
無雨一冬晴愚按占候所云疑誤據朱國楨湧幢
小品引俗語夏至有風三伏熱重陽無雨一冬晴
驗之殊不然及閱感精符乃是夏至酉逢三伏熱
重陽戌遇一冬晴方知俗說之謬而羣
芳譜又作重陽霧雨一冬乾參觀可也

十月朔 展墓裁紙衣焚之日送寒衣

按月令孟冬之月天子始裘又命有司飭喪紀辨
衣裳故唐宋禮制皆於十月朔日賜宰臣以下錦
袍有差由此觀之則時值孟冬乃往古賜衣之候
而世之仁孝於其親者能無動念此鄙俗於十月
一送寒衣之緣起也歲時記曰燕市俗刻板為男
女衣狀飾文出售農民競鬻以十月一日焚之此
乃合飭喪紀辨衣裳之文而為一者也詩曰無衣
無褐何以卒歲曾是子孫能恣然於其親乎故送
之便蓋自唐宋以來相沿不廢也又太常記曰十
月一日祀井井之神名觀井之鬼名瓊呼其名而
祭之即去占候曰十月朔值立冬主有災異晴則
冬多晴雨則冬多雨值小雪有東風春米賤西風

春米貴若立冬日西
北風主來年豐稔

冬至

祀先拜尊長治酒食或餽餽飽烹水餃

易復卦大象先王以至日閉關商旅不行后不省
方此實後世賀冬至之漸因其無事故得飲食宴
樂也其賀儀見後漢書禮儀志其解見蔡邕獨斷
故易緯通卦驗曰冬至之始人主與群臣左右縱
樂五日天下之衆亦家家縱樂五日也顧世俗於
冬至後數九竊嘗考其緣起而為說焉管子曰以
今所謂春打六九頭也又淮南子以冬至日數至
來年正月朔滿五十日者民食足不滿五十日者
日減一升有餘則日益一升此亦數六九也又京
房易占冬至後三十日極寒此即俗稱冷在三九
也再考易緯驗二十四氣始於冬至終於大雪周
天三百六十五日分之一陰一陽分之各得八十
二日有奇竊意今之數九其源應出於此不過改
冬至後八十二日為九九八十一日而分之各得
八十二日遂並夏至後亦添作九九八十一日耳

如歲時記云俗用冬至次日數及九九八十一日
多作九九詞據此益信數九之本於易緯矣夫日
用冬至次日數起則冬至本日不在九九之數乃
於次日為始而進推至八十一日若連冬至日算
豈非八十二日乎然則俗於冬至日即數頭九者
其猶昧古制占候冬至北風及平旦青雲北起皆
主歲稔
民安

臘八日

早起煮粥以米果麻豆諸品為之先祭獻而

後餐

左傳僖公五年宮之奇曰虞不臘矣是春秋時已
有臘之稱瑣碎錄曰正臘日及臘八日皆日王侯
臘故光祿於臘八日供粥料又東京夢華錄十二
月初八日都人各家以果子雜料煮粥而食又析
津志臘八日都中官員士庶作餗砂粥傳聞禁中
一如故事又農桑輯要臘八日收鱖魚懸厠上風
乾不生蟲治小兒癩疹不出燒灰存性研極細用
淡酒調服即發又臘八日沐浴除病消災又於是

日懸猪脂於厠上則一家來歲無蠅占候臘月朔日值小寒主有祥瑞若東風不止主六畜災風雨主春旱又冬至後第三戌為臘臘前得兩三番雪謂之臘前三白主收麥又可凍殺蠅子去蝗災

二十三日 設酒果糖瓜黍糗糒以祀竈

東京夢華錄臘月二十四日都人至夜備酒果送神燒化錢紙貼竈馬子竈上以酒醴塗抹竈門謂之醉司命夜于牀底點燈謂之照虛耗又范石湖祀竈詩古稱臘月二十四竈君朝天欲言事又云男兒酌酒女兒起酌酒燒錢竈君喜婢子爭門君莫聞貓犬觸穢君莫瞋送君醉飽登天門情景大都相似惟今祀竈早一日如帝京景物略所載乃取皇極九五之數以敬竈云又法天生意日臘月二十五更取井水平旦第一汲者盛淨器中浸乳香至歲旦令温合家每人以乳香一小塊飲水三吸一年不患時症

除夕 貼門神易桃符接竈神祀祖先拜尊長日辭歲

設酒殺舉家歡飲日守歲

應劭風俗通宗懍歲時記已備載門神桃符蓋自漢魏以來尚矣紀聞曰唐貞觀初天下又安時屬除夜太宗盛飾宮掖明設燈燭歐公詩日隋宮守夜沈香火楚俗驅神爆竹聲又九國志辛寅遜仕蜀值歲除昶令寫桃符寅遜題云新年納餘慶嘉節賀長春按唐太宗有除夕守歲詩其一結云共歡新故歲迎送一宵中其二結云對此歡終宴傾壺待曙光皆守歲也又占候曰除夕以安靜為主諺云除夕犬不吠新春無疫癘是夜東北風主明年大熟東南風主水又作粉窩十二枚如杯大每窩捏角記之自一角至十二角以分十二月置甌蒸熟驗之其窩中有水者主雨水多乾則無雨但視其角數即知為某月也若明年閏月則加一枚不捏角往往有驗見歲譜

物產

周禮大司徒以土會之灋辨五地之物生而爲植爲動乃各得其土之所宜焉甯津地屬兗州又職方所稱畜宜六擾穀宜四種者也然皆平疇闊野無山鎮澤藪之饒故其所產惟土物愛下及昆蟲與和氣游先知稼穡皆日用飲食所常需無珍異居奇之貨殖蓋亦反其本矣昔簡文不識田稻蕭昃不解蹲鴟相傳爲笑則鳥獸草木之名洵宜多識也爰記家鄉風味以徵野老曝談志物產

穀屬

麥大小春麥種蕎麥亦曰梁總名曰穀有黃黍紅白
 種今北人呼為糜波南人為磨糜按升庵外集唐人饌饌
 考京師人謂蒸餅為糜當為母母即禮入珍之清母也
 可為糜豆之總名有青黃蜀稷以種來自蜀故名白
 廢耳菽赤白黑綠六種蜀稷以種來自蜀故名白
 譜一名高粱包穀本草作玉蜀黍有紅黃白三種俗
 紅白二種高粱包穀本草作玉蜀黍有紅黃白三種俗
 載知入中土脂麻黑白二種其黑王穀米粒穆稗之
 在元後矣脂麻者入藥名巨勝王穀米粒穆稗之
 厚多殼

蔬屬

菘俗名蘿蔔紅白胡蘿蔔紅黃蔓菁即詩即風唐風
 茄赤白葱韭芥宏景別錄蘇頌圖經皆以其味
 二種葱韭芥極幹故俗名幹菜時珍本草作

臘芹有山水土三種縣原菱即胡菱俗名蒜二種茴香
 菜一名菠菱北戶錄作波菱苧蒿唐書西域傳
 藜恭山藥黃花菜略云病人不可食黃花菜
 二種按預與芋異黃花菜略云病人不可食黃花菜
 芋乃蹲鴟芋也黃花菜略云病人不可食黃花菜
 破氣耗血扁豆芸豆萵苣俗名生菜其
 俗名金鍼扁豆芸豆萵苣俗名生菜其
 地莧藜藿灰蕨秦椒俗名蕪角茶苦芭即詩采
 環似苦菜朱註即今苦蕒青薊即小薊菌乃磨菇香
 菜本月合章句即大薊菌乃磨菇香
 若韓詩之柳耳清異錄之桑鶯本草之樹雞豆芽菜
 槐蛾俗皆采以為食莊子所謂蒸成菌是也
 即陶宏景名醫別錄豆黃卷段成式酉
 陽雜俎豆芽菹明陳疑有豆芽菜賦

瓜屬

冬瓜 西瓜 南瓜 不可同羊肉 北瓜 甜瓜 按本草以

甜瓜入果部王禎曰供果者為果瓜供菜者為菜瓜

如禮記為天子削瓜及瓜祭皆果瓜也今甜瓜西瓜

並是果瓜農書載甜瓜品目 絲瓜 稍瓜 即菜 黃瓜

約數十種皆與今可參校 瓜 瓠 壺盧 匏也

即本草胡瓜也陳藏器曰北人避石勒諱改呼黃瓜

杜寶拾遺又曰隋大業四年避諱改胡瓜為黃瓜綱

目日張騫使西域得種故名胡瓜知黃瓜自漢始入

中土也所異者今俗無識每以夏小正之王賁禮月

合之王瓜認為黃瓜斯則貽誤鄉愚故特決絕明辨

其非是若王瓜即本經土瓜與爾雅之菟瓜別圖經

以為老鴉瓜衍義以為赤雹子本 線瓜 脆瓜 繳

草以為公公鬚乃蔓草非瓜類也

果屬 棗 梨 桃 杏 李 桑 榘 沙果 林檎 即右

來禽 文官果 檳子 海棠果 石榴 葡萄 落花

生 木屬 柏 桐 槐 柳 楊 青白 杜 椿 樗 俗名 桑 又

榭樹俗名構樞葉亦可飼蠶承德真定諸屬 椒 荆

花屬 牡丹 芍藥 海棠 迎春 刺藤 長春 藤蘿

石榴 翦春羅 萱 丁香 秋丁香 一名草茉莉有五色 紫

蓮 金絲荷 亦名旱金蓮 向日葵 鳳仙 俗名指甲桃 蝴蝶花

即扁竹入藥名射干 木槿 菊 藍菊 一名江西臘 雞冠 芭蕉

夜合 一名合歡花又名馬纓 絡石藤 俗名虎山 木芙蓉 玉簪

老少年 秋海棠 轉枝蓮 干日紅 米囊花 即罌粟

粟花按雲林醫鑑有阿芙蓉王氏醫林集要言是方國紅罌粟花汁本草綱目釋名阿片時珍曰俗作鴉片主治瀉痢澀精氣然皆煎飲如宋蘇子由有服罌粟四言詩苗堪春菜實比秋穀研作牛乳烹為佛粥皆湯飲也至若傳鑑有錄吹竹無聲自好者當不誤為所引矣

藥屬

益母草 即詩中谷有推也 透骨草 鷺不食草 桑白皮

樗白皮 地骨皮 即野枸杞根 天花粉 即瓜蒌根 瓜蒌 本草作栝樓

薄荷 俗名玉香菜 車前子 即詩芣苢毛傳馬鳥車前也陸璣疏馬鳥今藥中車前子幽州

人謂之 兔絲子 枸杞子 萊菔子 即蘿藦子 小茴香

牛舌草 金銀花 瞿麥 即石竹子帶包者 桃仁 杏仁 柏子仁

酸棗仁 蓮子 草麻子 大薊 小薊 紫花地

丁 即箭頭草俗名米布袋 蒲公英 按庚辛玉冊地丁有紫花者有黃花者即蒲公英也干金

方作鳧公英圖經作僕公罌玉冊作鴉鴿 急性子 即鳳仙花子也其莖透骨草 馬齒莧 血見愁 夏

英綱目亦名蒲公丁又謂黃花地丁也 牽牛 黑白二種

枯草 即月令孟夏聚畜百藥之靡草也 地膚 埽帚菜子 草決明 即江土地

黃 俗呼為牛奶子 槐角 瓦松 茵陳 青蒿 蛇

牀子 俗名野胡蘿蔔 蒼耳子 艾 老鴉嘴 蝟皮 露蜂

房 蜂蜜 蟬蛻 蠶砂 夜明砂

絲棉屬

棉花 絲 布 蒜 按禮雜記既穎儀禮士昏禮被穎鄭康成注穎草名無葛之鄉

去麻則用穎其製字從糸頃聲而說文失收惟林部引詩云衣錦蒜衣亦與今本作襲者異然穎蒜實一物而別文固麻線帶應相提並論

草屬

葦 荻 蓬蒿 苜蓿 郭璞作牧宿謂其宿根自生可飼牧牛馬也羅願爾雅翼

作木粟言其莢米可炊飯可釀酒也 茅 苔 莎

史記大宛傳作苜蓿漢書作目宿 書帶草 俗名佛指甲 洛神珠 俗名紅菩提子即草

煙草 一名淡巴菰亦名思草按劉廷璣在園雜志相傳高麗國妃死其王哭之慟夢妃告曰豕生

草名曰煙草采之焙乾以火然而吸其煙則可止悲又姚露旅書呂宋國有草名淡巴菰能避瘴氣唐詩有云相思若煙草似唐時已有服之者明崇禎中嚴令禁止旋因軍中病寒隨地其禁王肱枕衾瑣語謂煙葉出閩中兒時尙不識煙爲何物至明季則盡人莫不喫煙矣再按俗書煙草每作菸字非是說文菸只訓鬱也从草於聲雖亦有焉音然煙草畢竟是後出之物不宜以借音而誤古字 野葡萄 謂之酸迷本草酸漿草也俗名土兒酸

馬鞭 狗尾 竹節草 香草 蒺藜 莠

羽屬

雞 鴨 鵝 鵲 烏鴉 鳩 燕 雀 鷹 鷂

布穀 倉庚 桑扈 俗名蠟嘴 鶻 鶻 啄木 葦鷺

山鷺 卽爾雅所謂秋扈竊藍 鶻 鶻 俗名顛搭翅 大頭郎 雀

而大能 **靛雀** 或作鸞諺云朝 **白翎** 按白翎鳥名始見於元史
捕雀 太祖本紀較耕錄 **黃雀** 亦有白翎雀曲名

毛屬

牛 **馬** **驢** **羸** **羊** **猪** **狗** **猫** **鼠** **禮鼠**

關尹子聖人師拱手而立即詩相鼠也俗名大眼啖 **狐**

狸 **獾** **兔** **黃鼬** **鼬鼠** 鼠魯應龍括異志唐天

復中饑掘田鼠穴常獲餘糧謂 **鼯鼠** 說文地行鼠地

猴 **刺蝟** 爾雅說文皆作巢

鱗屬

鯉 **鮎** 即詩魚麗之鯪也 **鯽** 即易井卦 **鱣** 即詩之鱣也

日鱣即爾雅鱣郭璞 **黃鯛魚** 本草曰俗作黃 **黑魚**
即鱧也郭璞注鯛也

介屬

蝦 **螺** **蛤** **蚌** **蝸牛** 即爾雅蚌羸蝸蚶也在釋

類許慎說文曰蚌羸背負殼者曰蝸

蟲屬

蠶 蜂有蜜蜂黃蜂土 **蟬** 促織 顧曲雜言京師人

螳螂 俗名 **蚯蚓** **蜻蜒** 即爾雅 **蚊** **蠅** **寒蟬** **蝙蝠**

按爾雅蝙蝠服翼列在釋鳥篇內本 **蟻** **蚊** **蠅**

蜘蛛 有蟪蛄壁錢蠅虎蟪子諸 **螻蛄** 月令鄭注 **蝌斗**

伊威爾雅作蚺威委黍又名蟠 蚺即爾雅 蝎鼠負蘇頌圖經名溼生蟲 蛇

蜥蜴蛇虎在野者 守宮蜴虎在壁者 蜣郎郭璞曰又 尺蠖呼步屈 蠋

豆蠹魚 肌蛛一作蠓 俗天牛黑甲蟲也俗名水

壁間必雨蛾 水蛭唐本草謂之馬蟥亦 草蟲 蚤

斯按爾雅 螽類有五 一曰螽 螽青黃色 蝗子也 二曰草

螽青黃色常羊也 三曰螽 螽青黃色 長角螽也 四曰

日土螽黃灰色善跳 蚱也 五 聒聒 聒袁宏道促織志

而身肥大京師人謂之聒聒 按此聒聒 蝮時珍本草

聒燕北音讀如鍋 癩南語呼如乖 蝮俗名土狗

蟻俗名 蠓俗名



